



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Alexandro VII. Ad Clementem X.

Luxemburgi, MDCCXLII.

LVIII. Confirmat omnia privilegia Monachorum Silvestrinorum Ordinis
Sancti Benedicti, extenditque eis, ac communicat omnia, & singula
privilegia, gratias, & indulta tam Mendicantium, quam non ...

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

Semel ad-
missi denuo
examine non
subjiuntur.

ra Pœnitentiariæ, aut aliter, sicut præmittitur, examinati, & approbati fuerint, examini denuo sese subijcere non tenebuntur, nisi Nobis, & Romano Pontifici pro tempore existenti ex aliqua causa particulari secus videatur. Si autem præfatus Nicolaus Cardinalis nunc, & pro tempore existens major Pœnitentiarius aliquem à supradicto Præposito Generali ad officium minoris Pœnitentiarii electum minimè duxerit admittendum, poterit ipse Nicolaus Cardinalis nunc & pro tempore existens major Pœnitentiarius illius examinationem tantisper suspendere, donec facta quantociùs Nobis, & pro tempore existenti Romano Pontifici ejus rei relatione, quid fieri debeat, fuerit ordinatum.

Admissi nec
amoveantur
sine majoris
Pœnitentia-
rii facultate.

§. 6. Qui verò ad exercitium officii minoris Pœnitentiarii hujusmodi semel admissi fuerint, ab eodem officio removeri, vel dimitti, aut ex Collegio prædicto discedere non poterunt absque licentia d. Cardinalis majoris Pœnitentiarii nunc, & pro tempore existentis, qui pro data sibi à Domino prudentia licentiam hujusmodi instante Præposito Generali prædicto negare non debet, nisi ex iustis causis, quas eo casu, prout etiam quoties ipsi Cardinali majori Pœnitentiario videbitur aliquis ex prædictis minoribus Pœnitentiariis dissentiente memorato Præposito Generali removendus, Nobis, & pro tempore existenti Romano Pontifici referet, mandata Apostolica hac in re fideliter executurus.

Quando sub-
jiciuntur Ma-
jori Pœni-
tent.

§. 7. Præterea prædictos Rectorem, & minores Pœnitentiariorum in omnibus quidem illis, quæ Pœnitentiarii officium concernunt, jurisdictioni, visitationi, & coercitioni memorati Nicolai Cardinalis, nunc, & pro tempore existentis majoris Pœnitentiarii subiectos esse debere decernimus, adeò ut in gravioribus, non nisi facto verbo Nobiscum, & cum successoribus Nostri, contra eos procedat. In iis verò quæ ad disciplinam regularem, Regulæ observantiam, constitutiones, & instituta Societatis prædictæ, ac œconomiam, & gubernium rei familiaris pertinent, iidem Rector, & minores Pœnitentiarii cum universa eorum familia prædicto Præposito Generali immediatè subiacebunt.

Constit.
Urb. VIII.
confirmat.

§. 8. Postremò supradictam Urbani Prædecessoris Constitutionem in omnibus, & singulis, quæ præsentibus non adversantur, perpetuò inviolabiliter observari mandamus, & præcipimus.

Clausulæ
præservati-
væ.

§. 9. Decernentes pariter easdem præsentibus Literas, & in eis contenta quæcumque, etiam ex eo quod prædicti, & alii quilibet cujusvis gradus, ordinis, dignitatis, status, & conditionis existant, etiam si Cardinalatus honore fulgeant, aut aliàs speciali, & individua mentione digni sint, in præmissis quomodolibet interesse habentes, seu habere prætendentes illis non conferint, aut ad præmissa vocati, & auditi, causæque propter quas præsentibus emanarunt, adductæ, verificatæ, vel justificatæ non fuerint, vel ex alia quacumque quantumvis pia, legitima, juridica, & privilegiata causa, colore, prætextu, & capite, etiam in Corpore Juris clauso, etiam enormis, enormissimæ, & totalis læsionis, nullo unquam tempore de subreptionis, vel obreptionis vicio, aut intentionis Nostre, vel interesse habentium consensus, aliove quantumvis magno, & substantiali, ac inexcogitabili defectu notari, impugnari, restringi, modificari, infringi, retractari, in controversiam revocari, aut ad terminos juris reduci, seu adversus illas aperiendi oris, restitutionis in integrum, aut aliud quodcumque juris, facti, vel gratiæ remedium impetrari, vel etiam motu simili concessio quempiam in iudicio, vel extra illud uti, seu se juvare posse; neque ipsas præsentibus sub quibusvis similibus, vel dissimilibus, dispositionum, & gratiarum revocationibus, restrictionibus, limitationibus,

aliisque contrariis dispositionibus, etiam per Nos, & Romanos Pontifices Successores Nostros, Sedemque Apostolicam quodcumque faciendis unquam comprehendi, aut comprehensas censerent, sed semper ab illis exceptas, & quoties illæ emanabunt, toties in pristinum, & validissimum statum restitutas, & plenariè reintegratas, ac etiam sub posteriori data per eos, ad quos pro tempore spectabit, eligenda de novo concessas, firmasque, validas, efficaces existere, & perpetuò fore, ac suos plenarios, & integros effectus fortiri, & obtinere, & ab illis, ad quos spectat, & quodcumque spectabit respectivè inviolabiliter observari; Sicque, & non aliter in præmissis per quoscumque Judices Ordinarios, & delegatos etiam causarum Palatii Apostolici Auditores, ac ejusdem S. R. E. Cardinales, etiam de latere Legatos, cæterosque quoslibet quavis auctoritate, & potestate fungentes, & quodcumque functiones, sublata eis, & eorum cuilibet quavis aliter judicandi, & interpretandi facultate, & auctoritate, judicari, & definiti debere, ac irritum, & inane si secus super his à quoquam quavis auctoritate scienter, vel ignoranter contigerit attentari.

Contrariis
derogat.

§. 10. Non obstantibus præmissis, ac quoad ea quæ præsentibus sunt, vel dici possent contraria, prædicta Urbani Prædecessoris, & quatenus opus sit, Nostri, & Cancellariæ Apostolicæ regula, de non tollendo jure quæsito, aliisque Apostolicis, ac in universalibus, Provincialibus, & Synodalibus Conciliis editis generalibus, vel specialibus Constitutionibus, & Ordinationibus, nec non Societatis, & Collegii prædictorum, aliisque quibusvis, etiam juramento, confirmatione Apostolica, vel alia quavis firmitate roboratis statutis, & consuetudinibus, etiam immemorabilibus, privilegiis quoque, indultis, & Literis Apostolicis, eidem Societati, illisque Præposito Generali, & personis quibuslibet, nec non dicto Collegio, & aliis quibusvis, etiam speciali, & individua expressione dignis, sub quibuscumque verborum tenoribus, & formis, ac cum quibusvis etiam derogatoriis derogatoriis, aliisque efficacioribus, efficacissimis, & insolitis clausulis, irritantibusque, & aliis decretis in genere, vel in specie, ac alias in contrarium præmissorum quomodolibet concessis, confirmatis, & innovatis. Quibus omnibus, & singulis, etiam si pro eorum sufficienti derogatione de illis, eorumque totis tenoribus specialis, specifica, expressa, & individua, ac de verbo ad verbum non autem per clausulas generales idem importantes mentio, seu quævis alia expressio facienda, aut aliqua alia exquisita forma ad hoc servanda foret, illorum tenores, formas, & occasiones præsentibus pro plenè, & sufficienter expressis, servatis, & insertis respectivè habentes, illis aliàs in suo robore permanens, ad præmissorum effectum specialiter, & expressè derogamus, cæterisque contrariis quibuscumque.

Dat. P. An. 4.
die 22. Feb.

Datum Romæ apud Sanctam Mariam Majorem sub Annulo Piscatoris, die 22. Februarii 1659. Pontificatus Nostri Anno quarto.

Confirmat omnia privilegia Monachorum Silvestrinorum Ordinis Sancti Benedicti, extenditque eis, ac communicat omnia, & singula privilegia, gratias, & indulta tam Mendicantium, quam non Mendicantium Ordinibus, & Congregationibus concessa.

LVIII.

Quanam sint privilegia Membrorum, ac Mendicantium, vide Bullas citatas in Repertorio verb. privilegium.

Edita A. D. 1659.

ALEXANDER PAPA VII.

Ad perpetuam rei memoriam.

Exordium.

Religiosorum virorum Altissimo famulantium profecti quantum cum Domino postumus paterna charitate prospicere cupientes privilegia, & gratias aliorum Ordinum, & Congregationum Regularium religionis concessa libenter illis communicamus, & ad eos extendimus prout conspiciamus in Domino salubriter expedire.

Supplicatio.

§. 1. Cum itaque sicut dilectus filius Leonardus Pelagallus Procurator Generalis Congregationis Monachorum Sylvestrinorum nuncupat. Montisfani Ordinis Sancti Benedicti nominibus dilectorum filiorum Abbatis Generalis, & omnium Monachorum ejusdem Congregationis Nobis nuper exponi fecit, Congregatio prefata, omnia, & singula privilegia, gratias, & indulta tam Mendicantium, quam non Mendicantium Ordinibus, & Congregationibus, ac eorum Monasteriis, domibus, & locis, & Personis per quoscumque Romanos Pontifices Predecessores Nostros quomodolibet concessa ad eorum Sylvestrinorum Congregationem, illiusque Monachos, & personas extendi, illaque eis communicari summopere desiderent, idcirco Nobis idem Leonardus nominibus predictis humiliter supplicari fecit, ut in premissis opportune providere de benignitate Apostolica dignemur.

Absolvit Oratorem à censuris.

§. 2. Nos igitur Congregationem Sylvestrinorum Montisfani prefatam, ejusque Monachos, & personas quascumque specialibus favoribus, & gratiis prosequi volentes, ac singulorum privilegiorum, gratiarum, & Litterarum desuper concessarum hujusmodi tenores presentibus pro sufficienter expressis habentes, & quemlibet eorundem religiosorum à quibusvis excommunicationis, suspensionis, & interdicti, aliisque Ecclesiasticis sententiis, censuris, & penis à jure, vel ab homine quavis occasione, vel causa latis, si quibus quomodolibet innodatus existit, ad effectum presentium dumtaxat consequendum harum serie absolventes, & absolutum fore censentes hujusmodi supplicationibus inclinati, omnia, & singula privilegia, prerogativas, concessionem, facultates, exemptiones, immunitates, indulta, ceterasque gratias spirituales, & temporales tam conjunctim, quam divisim, & alias quomodolibet quibusvis Mendicantium, & non Mendicantium Ordinibus, & Congregationibus, & tam virorum, quam mulierum Monasteriis, & domibus, & Regularibus locis in quibuscumque Mundi partibus consistentibus, illorumque Superioribus, Fratribus, Monachis, & personis per quoscumque Romanos Pontifices Predecessores Nostros hujusmodi, ac Nos, & Sedem eandem etiam per viam communicationis, vel extensionis, aut alias concessa, & quibus singula Congregationes predictae, earumque Monasteria, Domus, loca, ac Superiores, Fratres, & Monachi, ac personae hujusmodi, de jure, usu, consuetudine, vel privilegio, aut concessione Apostolica, vel alia quavis auctoritate, aut alias quomodolibet utuntur, fruuntur, & gaudent, ac uti, frui, & gaudere possunt, & poterunt quomodolibet in futurum quatenus sint in usu, & non sint revocata, neque sub aliquibus revocationibus comprehensa, ac sacris Canonibus, & Concilii Tridentini Decretis, ac Constitutionibus Apostolicis, seu particularibus Constitutionibus, ejusdem Congregationis Sylvestrinorum non adferentur, ad predictam Sylvestrinorum Congregationem, itaut illa, ejusque tam virorum quam mulierum Hospitalia, Conventus, seu regulares domus, illorumque Superiores, Priores, Officiales, Fratres, Ministri, & aliae per-

sonae nunc & pro tempore existentes premissis omnibus, & singulis aequè principaliter, & pariformiter, & sine ulla profus differentia uti, frui, & gaudere liberè, & licitè possint, & valeant, ac si illa dictae Sylvestrinorum Congregationi, illiusque Monasteriis, Hospitalibus, Conventibus, & Domibus Regularibus, ac Superioribus, Officialibus, Fratribus, Ministris, & aliis personis predictis specialiter, & expresse, ac principaliter, non autem ad instar concessa, ac presentibus de verbo ad verbum inserta fuissent, auctoritate, & tenore predictis perpetuò extendimus, illaque omnia, & singula dictae Congregationi Sylvestrinorum illiusque Monasteriis, Hospitalibus, Conventibus, ac Regularibus Domibus, necnon Prioribus, Subprioribus, Officialibus, Ministris, & personis predictis quibuscumque, exceptis tamen privilegiis Monachorum Sancti Benedicti per quae eidem Ordini indulgentiae conceduntur, ac etiam excepta facultate eligendi, & deputandi Conservatores Religionis, & Monachorum communicamus.

Confirmat ac extendit prout in rub. Reservat Inducta Ordinis S. Benedicti.

Decretum irritans.

§. 3. Decernentes sic, & non aliter per quoscumque Judices quacumque auctoritate fungentes etiam causarum Palatii Apostolici Auditores sublata eis, & eorum cuilibet quavis aliter judicandi, & interpretandi facultate & auctoritate judicari, & definiri debere, ac irritum, & inane si secus super his à quoquam quavis auctoritate scienter, vel ignoranter contigerit attentari. Quocirca dilectio filio moderno, & pro tempore existenti dictae Sylvestrinorum Congregationis Protectori per presentes committimus, & mandamus quatenus per se, vel alium, seu alios presentes Litteras & in eis contenta quaecumque ubi, & quando opus fuerit solemniter publicans, ac dictae Sylvestrinorum Congregationis Monachis in premissis efficacis defensionis praesidio assistens faciat auctoritate Nostra presentes, & in eis contenta hujusmodi firmiter observari, ac singulos quos ipsae litterae concernunt illis pacifice frui, & gaudere, non permittentes eos, vel eorum aliquem desuper contra presentium tenorem per quoscumque etiam locorum Ordinarios quomodolibet indebitè molestari, perturbari, vel impediri. Contradictores quoslibet, & rebelles, ac praemissis non parentes per sententias, censuras & penas Ecclesiasticas, aliaque opportuna juris, & facti remedia, appellatione postposita compescendo, invocato etiam ad hoc si opus fuerit auxilio brachii secularis.

Executores deputat.

§. 4. Non obstantibus quibusvis Apostolicis, ac in universalibus, Provincialibusque & Synodalibus Conciliis editis, generalibus, vel specialibus Constitutionibus, & ordinationibus, necnon Mendicantium, & non Mendicantium, Ordinum, Congregationum, Monasteriorum, & Regularium domorum etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & Litteris Apostolicis illis, eorumque Superioribus, & personis sub quibuscumque verborum tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis in genere, vel in specie, etiam Motu proprio, ac ex certa scientia, ac de Apostolicae potestatis plenitudine, & alias in contrarium praemissorum quomodolibet concessis, confirmatis, & innovatis. Quibus omnibus, & singulis illorum omnium tenores, ac si de verbo ad verbum exprimerentur, & infererentur presentibus plenè, & sufficienter expressis, & insertis habentes, illis alias in suo robore permanens, ad praemissorum effectum hac vice dumtaxat specialiter, & expresse derogamus, ceterisque contrariis quibuscumque.

Contrariis derogat.

§. 5. Volumus autem, quod presentium transumptis etiam impressis, manu alicujus Notarii

Transumptis credi mandat.

sub-

subscriptis, & sigillo dictæ Sylvestrinorum Congregationis, vel illius Procuratoris obfignatis eadem prorsus fides adhibeatur ubique quæ præsentibus adhiberetur, si forent exhibitæ, vel ostensæ.

Datum Romæ apud S. Mariam Majorem sub annulo Piscatoris, die 28. Februarii 1659. Pontificatus Nostri anno quarto.

Dat. P. An.
4. die 28.
Febr.

LIX.

Confirmatio Reformationis Provinciæ Fratrum Minorum strictioris Observantiæ Austriæ, cum declaratione quod moderetur sicut reliquæ Provinciæ Reformatæ ejusdem Ordinis.

De Provinciis Reformatorem Italiæ vide quæ notavi ad Const. 40. Urb. VIII. Sac. sanctum, & ad Const. 240. ejusdem, Injuncti nobis.

ALEXANDER PAPA VII.

Ad futuram rei memoriam.

Edita A. D.
1659.

Exordium.

Militantis Ecclesiæ regimini, meritis licet imparibus, inscrutabili divinæ providentiæ arcano præsidentes, ad ea, per quæ Religiosorum virorum, præsertim sub suavi arctioris Regulæ jugo Altissimi obsequiis mancipatorum statui, & felici directioni opportunè consulitur, propensis studiis intendimus, ac in illis commissi Nobis cælestis officii partes libenter interponimus prout in Domino conspicimus salubriter expedire.

Introductio
Reform.

§. 1. Aliàs siquidem sæc. rec. Urbano Papa VIII. Prædecessori Nostro pro parte clar. mem. Ferdinandi Romanorum dum vixit Regis in Imperatorem electi exposito, quod in Domibus Regularibus Fratrum Ordinis Minorum Sancti Francisci de Observantia Reformatorem nuncupatorum Provinciæ Austriæ opera Antonii à Galbiato tunc dicti Ordinis in illis partibus Commissarii generalis reformatio introducta fuisset, dictique Fratres uberes in Vinca Domini fructus afferrent: itidem Urbanus Prædecessor supplicationibus dicti Ferdinandi Regis in Imperatorem electi nomine sibi super hoc humiliter porrectis inclinatus, Reformationem in Domibus regularibus dictæ Provinciæ Ordinis hujusmodi, ut præfertur introductam cum iisdem privilegiis, gratiis, & indultis, ac modo, & forma, quibus similem reformationis introductionem in Provinciis Baviaræ, & Tirolis prius confirmaverat, auctoritate Apostolica approbavit, & confirmavit, & alias prout in ipsius Urbani Prædecessoris Litteris desuper in simili forma Brevis die 2. Decembris 1632. expeditis, quarum tenorem præsentibus pro plenè, & sufficienter expressis haberi volumus uberius continetur.

Petitio privi-
legiorum.

§. 2. Cum autem sicut Dilecti Filii Franciscus Statfeld Minister Provincialis, & fratres prædictæ Provinciæ Austriæ Nobis nuper exponi fecerunt, ipsi gratias, & privilegia, quæ memoratis Provinciis Baviaræ, & Tirolis à supradicta Provinciæ Austriæ valde remotis per Litteras prædicti Urbani Prædecessoris super confirmatione introductionis reformationis in Provinciis hujusmodi expeditas concessa reperiuntur, eidem Provinciæ Austriæ per extensum pariter concedi summopere desiderant, dilectusque pariter filius Minister generalis Ordinis prædicti, visis, & consideratis jussu nostro dictis privilegiis, & gratiis eidem exponentibus opportunè in præmissis, ut infra à Nobis provideri expedire censuerit.

Abfolvit
oratores à
censuris.

§. 3. Nos specialem dictis Francisco Ministro Provinciali, & Fratribus exponentibus gratiam facere volentes, & eorum singulares personas à quibusvis excommunicationis, suspensionis, & interdicti, aliisque Ecclesiasticis sententiis, cen-

suris & pœnis à jure, vel ab homine quavis occasione vel causa latis, si quibus quomodolibet innodata existunt ad effectum præsentium dumtaxat consequentes harum serie absolventes & absolutos fore censentes: Supplicationibus eorum nomine Nobis super hoc humiliter porrectis inclinatis: de venerabilium fratrum Nostrorum S. R. E. Cardinalium negotiis, & consultationibus Episcoporum, & Regularium præpositorum consilio, attentis narratis, ac audito per eisdem Cardinales prædicto Ministro Generali Ordinis hujusmodi, ut prædicta Provinciæ Austriæ sit reformata, aliisque Fratrum dicti Ordinis Reformatorem Discalceatorum nuncupatorum Provinciis Regnorum Hispaniarum conformis, & ad illorum instar, ac sub omnimoda Ministri Generalis ejusdem Ordinis, & eo Italiæ Nationis, & extra Italiam existente, ejus Vicarii Generalis, necnon etiam Commissarii Generalis juxta Bullam unionis electi, non autem Commissariorum Generalium eorumdem Ordinis, & Regnorum Hispaniarum, nec Superioris, vel inferioris Germaniæ, ita quod Minister, ac Vicarius, & Commissarius Generalis prædicti juxta Bullam hujusmodi electi illam non nisi per se ipsos, aut Commissarios Ordinis Reformatorem prædictorum visitare valeant, jurisdictione, auctoritate, & superioritate, ac etiam sub directione Procuratoris Generalis Reformatorem in Curia Romana quoad negotia occurrentia, ejusque Fratres juxta declarationes rec. mem. Nicolai III. & Clementis V. Romanorum Pontificum Prædecessorum pariter nostrorum vivere debeant.

Concedit
prout in
Rub.

§. 4. Et cum hoc etiam quod Minister Provincialis Provinciæ Reformatæ Austriæ hujusmodi omnem jurisdictionem, facultatem, & auctoritatem tam in Fratres Ordinis prædicti sibi subditos, quam circa novarum Domorum ejusdem instituti in eadem Provinciæ foundationem, seu erectionem, aut ædificationem, necnon etiam circa Novitios, & alia in Litteris Apostolicis piæ mem. Gregorii Papæ XIII. etiam Prædecessoris nostri contenta prout alii Ministri Provinciales aliarum Provinciarum Fratrum ejusdem Ordinis Reformatorem Discalceatorum nuncupatorum in omnibus, & per omnia habeat, ac tam ipse, quam singulorum Domorum dictæ Provinciæ Austriæ Fratrum Minorum Sancti Francisci Reformatorem Discalceatorum nuncupatorum Superiores, necnon singulares cujuscumque illarum personæ omnibus, & singulis prærogativis, præeminentiis, privilegiis, exemptionibus, immunitatibus, indultis, concessionibus, favoribus, & gratiis spiritualibus, & temporalibus, quibus alii hujusmodi Ministri Provinciales, ac dictarum domorum Regularium Superiores, & singulares personæ uti, frui, & gaudere solent, & possunt ac poterunt quomodolibet in futurum, pariter, & pariformiter, ac æquè principaliter sine ulla profus differentia uti, frui, & gaudere respectivè possint, & valeant.

Auctoritas
Ministri Pro-
vincialis.

§. 5. Quodque nunc & pro tempore existens Minister Generalis prædictus, aut Vistatores ab eo etiam pro tempore mittendi statuta, Constitutiones, & Ordinationes ejusdem Provinciæ Reformatæ Austriæ, illiusque domorum Regularium hujusmodi Constitutionibus generalibus Reformatorem non adversantia, nisi de consensu majoris partis Fratrum Vocalium dictæ Provinciæ Reformatæ Austriæ in eorum Capitulis Provincialibus præstando alterare, vel immutare, aut eisdem Fratres ab eorum modo vivendi, dummodo juxta easdem declarationes vivant, disturbare, necnon quod Fratres ejusdem Ordinis Sancti Francisci de Observantia nuncupari infra limites ejusdem, seu alterius Provinciæ existentes collecturas, seu quæsturas ad domos regulares ejusdem Provinciæ Reformatorem Discalceatorum Austriæ spectantes, exceptis eis à Fratribus Pro-

Statuta Pro-
vinciæ alterari non possunt.